

GOSPEL TANGKOU

(Gospel Herald)

Issue No. 4

Volurn : XXXVI

July & August

2022



2022 KUM THUPI

“Galkhat lam ah igalkai ding uhi.” Mak 4:35c

EDITOR:

Rt. Rev. Dr. S.K MANLUN

Bishop



**MELC ADMINISTRATIVE BUILDING CONSTRUCTION COMMITTEE.
SINGNOU SUONNA**



EDITORIAL BOARD

Founding Editor:

Rev. M. Hauzalian
Mobile No - 9862736491
E-mail : eimithumpawl@gmail.com

Editor:

Rt. Rev. Dr. S.K. Manlun
Mobile No - +91 9612152332
E-mail : melchqtrs@gmail.com

Joint Editor:

Rev. Nengkhanlal Milun,
Director of Ministries
Mobile No- +91 6009924646

Managing Editor:

Rev. Kamminthang,
Director of Missions
Mobile No- +91 9612281530

Contributing Editor:

1. Rev. Dr. Hangminthang
Mobile No. +919612997858
2. Rev. Thangliankham
Mobile No. +9862830905
3. Rev. T. Chinlunmang
Mobile No. +91 7630854610
4. Pastor Kamneithang
Mobile No. +91 8974609177
5. Divisional Superintendent teng

Design & Setting:

Mr. Khamkhanhau
Mobile No. +918974955366
E-mail : munluohaupu@gmail.com

Circulation Manager:

1. H. Khaikhogin
Mobile No - +919862133422
2. Dongzakam
Mobile No. +919612198903

A SUNG A THU UMTE

Editorial	2
A zieh khu na gou umna ah...	3
Thuneina toh sawldohna...	5
Bangchi leng lungkimna	6
Gospel Gamchiam lam zuan....	9
Pastor Tour Report	12
Relief material hawmna	26
Thu tuomtuom....	27
Ginna ki enchien vai...	28
Sepguol Vaiguon - 2022.....	30

Patron Member ₹.2000/-
Kum khat lah man:
Khut ah - ₹.200/-
Dah ah - ₹.250/-

Article zousie Editor kunga pieh ding; ahilouleh, e-mail in
melchqtrs@gmail.com leh **WhatsApp** tungtawn in a piehthei ding hi.
Tualeh, a lahman Circulation Manager kunga pieh ding ahi.

Editorial laikung pan

Tuhun bang hun ichita diai?



Mangpan'n ahoina toh hingpui touzel in August ha 2022 itung theita ua, tamtan chieng hingpui i Mangpa phat in umta hen. Tuhun bang hun ichita ding uai le sanggamte! Indian ten British kumpi uhna apan zalenna 15th August 1947 ahia, India gam pumpi in 15th August ni khu Independence Day in akijang hi.

Kum in 75th Independence India mite'n zalenna kipah leh thanuam tah in hun jahna kinei hi. Tam bang kawmkal ah eite'n kipahna, lemmna leh ki itna in ijang uai? ki ngaisun tham ching in ka ngaituo hi. Ei Manipur India gam a ding a simtham lou, India MAP a iet leh zong mutham zong chinglou a ningkoi khat a um veuvou, state te lah ah jong aneu pawl ahi ding hi. Kol leh vaiten zong simtham a angkoi lou uh ahi lai a ei asung a tengte kikei leh ki ngiat giat mai a ium pen dahuai mama hi.

Laisiangthou Romans 13:11-14 ah "*Tua leh tuhun banghun ahiei chi na thei zieh un, tami bawl un, azieh pen igintat chillai sang in i hundamna anai zawta a, imut khanlaw a hun mama ta chi na thei uhi. Zan a bei dihdihita a, khuo vah ding ahi tahi, tuazieh in miel a silbawlte paiin vah thuom in ikithuom ding uhi. Sun a um bangin kilawm tahin ium ding uh, huham leh zukham buoi a umlou in, hua leh numei pasal kaal a thangtat a*

umlou in, tua leh kithangsiet a umlou in, Mangpa Jesu Khrist in kithuom unlen, na tahsa utna uh supi ching ding in bangma kibawl sih un". Manipur sung a singtangmi Khristiante lah ah lemna leh muonna lah umta lou, thuhoi thupha jah ding lah tawm mama ta, ithu jahte in Hagau hinkhuo suhhat leh kipah nang mong mong lah umta lou. Thu ijahte bang dang hilou in khamthei tamza toh kiman, mat a umte koi dang jong hilou ei singtang gam a Khristiante ngen hi zing ahi. Ei Khristian te lah a lemna leh muanna umta lou, gingu hina a siengthouana muding umta lou, Kumpi silkham tengtoh ki bua siengta hi, etton ding in ihunkhuo uh kijang theita lou ahi man in buaina ngen in ahing pumtuomta ahi. Tulai igam din mun enta lei buaina ngen ahita a, buaina bawl zieh a gari kihalsah, Inn leh lou kihal sah tua, gamgi a pang chiet in silsie bawl ding in mansa in ium uhi. Muanna leh bitna heisung a um ata diai? I Laisiengtuou in tami

Gospel Tangkou July - August 2022

bawl un, igintat chillai sang in hundamna ni anaita achi a, bang e eiten ibawl uh, Mangpa deidan ahi nai isil bawlte uh ki enpha chiet vai ui. Imut na apat khahlaw hun ahita hi. Zanlai a na lupna a imu a khanglou hun toh tekah a gen hilou ahia, tulai khovel dinmun hoilouna apat khanglou ding ahi zaw hi.

Gingtute lah a ki-itna lan daita, dih tatna in mun tang zou nonlou in mawtna a ki ngaisunta moh in, khohsah leh mulkimna um nonlou in sil zousie kile bul siengta hi. Pasion zauna mong mong lah umta lou, Pasion nasan ki nawlkhinta in ngaisah tah in kikoi ta lou ahi. Hagaulam lam ah ki ngui siengta tua zieh in Hagau lam hindan ah khanglou ta va ui. Pasion sang in khovel thupina ki buaipi zawta, Jesu buaipi tham a kikoi nonlou, Mizo laa khat in buaipi tham Jesu achi pen a dih vawt ahia, Jesu ibuaipi lou laisia Hagaulam a halna kimu zoulou ding ahi. Pasion tohi pan khawmlou jieh in mite simmaw leh nuainet in ki umta ahi.

Bang ah ki thuom lei Pasion itung uah kipah ding e “Vah thuam in ki thuom un” chi hilou ahiei ma. Gitlou sil bawlte, mielnuai a kithuom nate paikhe ta va ui, Mangpa Jesu Khrist in kithuom unlen, na tahsa utna uh supi ching ding in bangma kibawl sih un, Pasion deina bang a su piching ding hun ahi tahi. Igam in nang leh kei hing tulmaw mai hilou in Mangpan a hing tulmaw zing ahi, sun hun bei ding hita lou ahiei ma, unau ki ngaisunta va ui. Sun a umbang in kilawmtah a um ding, Jesu Khrist hing peina ding a naita! Miel silte pai in, vah thuom in ki thuom in pilvang tah in ium ding uhi. Vah a um toh ki tuohlou silte paikhie in Pasion deidan suita va ui, I Innsung, ihattuum sung, inam sung leh igamsung ah Hagaulam halthana ang tun theina ding in tuhun bang ahia, bangchi pan lah ding lunggeltha va ui, lunggel thei din Mangpan hing guolzawl chiet tahen.

~~~oio~~~

---

**“AZIEH KHU NAGOU UMNA MUN AH,  
NA LUNGSIM UMTHUOI HI” (Mat.6:21)**

**By:** Hauzalian, Founder Editor.

**Thumapui:**

Theilou kalin hun leh Kumte hingpei touzel in tukum 2022 khu i Gospel Tangkou 1987 August 8 nia ipat ua pat Kum 35 a chin kum ahita hi. Pasion hoina leh gin umna jal a tamtan chieng tungthei ihi man un Ama iphat uhi ! A dieh in i Pawlpi uh ka nuasie apat kum 27 vai ahivang in Leitung gou bang a kinei ahiman in ka lungsim pen i Gospel

## *Gospel Tangkou July - August 2022*

Tangkou leh anasep ah a thamzing leng hi. Tami'n thupil kigen, "Na Gou leh na sum umna ah na lung sim umva" chi khu a dih toujel hi. Gou khawl toh kisai in tunglam ah gou ka khol a, ka goukholte ka mansuo louna dingin Pasion dan ka kikemsah jingleng hi. Pasion dan hi nanleh ginna dan botse tamoh leng tamna ka gou kholsa teng mansuo ding kahiman in ka ngai ngamsih hi. (2 John 8). I Pasion uh pen beltah leh muonhuoi maibep hilou in lawmman pieh ching Pasion ahi. (Heb.11:6).

Tutung i Pawlpi un Mizoram a Myanmar refugee te ELCA pe apat in panpina dinga theitopa ipanlahna uh pahtat huoi kasa hi. Myanmar mi galtai tul sawm thumval galtaita agam Government leh Mission ten zong theitop a apanpi ban uah eipawl in zong ibulpite uh ELCA te toh kizopna hoitah inei ua amaute a basic need uh neh leh dawn ding banah a lungah na (Shelter) ding ua theitawp a pan nalahte zieh in Pasion phat in um hen. Mi gentheite leh meithaite a chimaw laitah ua ve a, va panpi khu sahkhuo ngaisah leh siengthou pen ahi uh chi'n Laisiengthou in agen hi. (Jakob 1:27).

Gingtute ihanmphantna uh ahileh tu damsung a Mangpa a dia

isepgim nate uh athawn lou banah, imit tuite, tha leh jung, sum leh pai isente uh i Pasion in a laibu a ana chiemte dimdiem a, a thawl (Lihli) sunga ana koi khu Ama Lei leh Van Vaihawmpa'n nitawpni chiengin itoh-isep ga uh nuom man hingpe ding in a thuchiem pel ngailou pan ang chiem hi. Tua ahiman in gingtuten silhoi atam theipen in sem vai. (Ps.56:8).

Zou suonte lah a Mizote ana lungpi dan uh themkhat hing tahlang vang. Kum masa 2021 February akipat Myanmar Junta ten Power thuneina aponglahtah ua pat in agam mipite innten louten mumal neithe talou a, bitna sui a India ah a hing galtai ua atul - atul hita va un in, Mizo pa'n hichin achia, "Nam in gamgi anei vateh sih a, unau khat ihi ua, ineh neh nekhawm in, ihing khawm ding uhi," achi hi. Hichibanga genthei chimawte ithei khamkham a ipanpi na uah itna silbawlte jiehin min Pasion apahtawi khu -Vangam a ilawmman ding uh hiva. Nang leh kei Khrist a hinna tha neiten, eima dinga hing nonlou in midang leh Khrista a dingin hing zaw talei, Pasion thu awi dihtah hivai chi ka gingta pongsan hi. Genkhiel aval a um leh ki ngaidam vai.

Mangpa Thupha!

**THUNEINA TOH SAWLDOHNA LOUPI**  
(The Great Commission)

~ Pastor Khup Do Khen

“Tuaziehin pei unlen, namchin apat nuazui ding bawl unlen, thu ka hing piehte zousie zui dingin thu hil un”

JESUN MINISTRY ABAWLLAI IN TUP LEH NGIM NGA ANEI HI....Johan 17:1-24

**Tang 4:** “Leitungah Na min ka pahtawita”(Worship)

**Tang 6:** “Leitunga kipata kei na hing piehte kungah, Na min ka theisahta hi; amaute nanga ahi uh” Evangelism).

**Tang 8:** “Aziehpén nangman kei kunga thu na hing pieh zousie, ken amaute kapeta a, ama un zong apomta uhi”. (Discipleship).

**Tang 12:** “Nang kei na’ng piehsa teng toh leitung a ka umkhawm sungin na min in ama uh ka kem a...”(Fellowship)

**Tang 18:** “Kei leitunga na hing sawl mabangin, ken zong ama uh leitung ah ka sawl hi”(Ministry)

Tami hattuumnte a dinga poimaw kithuhilna chi ngate (Five Instructions) lah a atangtung sah masapen ~ Acts 2:41-47.

“ Tuachi’n a thu kipahtaha pom pouma in, Baptisma a tang

chiet ua, tua ni mama in mi tul thumvel belap in a um uhi. Tuachi’n mi zousie tungah.....A ginta zousie kipumkhat ua.....tuachi’n a sil nei zousie uh a zua ua, michin in lungsim mun khat puo in...Mangpan nichin in a belap pieh zel hi”.

Tami Hattuumnte a dinga poimaw kithuhilna chingate khu Paul in ahilchien hi. Ephesate 4:11-16.

“ Ama mama in pawlkhat sawltah hina, pawlkhat guolnei hina, pawlkhat khantanhoi genna, pawlkhat Pastor hina, tualeh Pawlkhat thuhilmi hina apie hi. Misiengthouten Khrist tahsa bawl hoina...Tuachi’n dihlouna, solna leh lepchie...Hinanleh itna a thutah gen in....itna ah ama leh ama kibawl hoi in a khangtou sah hi.”

Hattuum khu tam a nuoi a kigielte bawl dinga phukhiet ahi.

1. Mangpa’n ahing umpina zieh a Pahtawina piehna ~Worship

*Gospel Tangkou July - August 2022*

Ps. 34:3 (giel doh ding)

Ps. 122 :1 (gel doh ding).

2. Pasion thu mite hilsawn ding ~ Evangelism. (Acts. 20:24; 1: 8).

3. Pasion mite innkuon khat suohna ~ Fellowship (Eph.2:19).

4. Pasion mite theitheina siengthou pieh ding ~ (Discipleship) Eph.4:12b -13.

5. Pasion in ang itna khu thudih ahidan mite muthei din kilang sah in ~ Ministry (Eph. 4:12).

a) Hattuum in a tup-le-ngimte hilchien in :

1. Hinkhuo siengthou lama khantouna leh kipumkhatna : 1 Kor.1:10 ; Prov. 29:18.

2. Buoina ahing dawnjang hi-Is. 26:3; James 1:8; Is. 49 : 4.

3. Lunglut tah a lunggel theina ahingpie hi. Philip 3:13.

4. Kipanpi tuo utna lungsim angpie hi. Ezra 10:4; Phil 1: 5; Prov. 11:27.

5. Ki etchien theina lungsim ang pie hi. 2 Kor. 13:5.

Hattuum bangzieh leh bang bawl ding a kiphut doh ahiei chi toh kisai a Bible bung leh tangte:

Mat.5:13-16; Mark 10:43-45; Luke 4:98-19 John 4:23; Rom. 12:1-8 I Cor. 12:12-3; II Cor. 5:17; 6:1. Gal. 5:13-15 Eph. 1:22-23. Thes. 1:3; 5:11; Heb. 10:24-25; IPet. 2:9-10; I Jn. 1:5-7.

---

*Bangchi leng*

**LUNGKIMNA KA SEMKHIE THEI DIEI ?**

~ **Rev.Thangliankham**

Local Pastor, Zoumunnuam

**Lungkimna ichipen sepkhiet thei ahi.**

1. Semkhie in : Lungkimna khu sepkhiet ding ahi. Paul in lungkim dan a zilkhie hi. (Phi.4:11).

Na lungkim theina ding in melma gensietna apat kiving dingin na lungsim kotkhah zousie khah inlen, na lungkim theina ding silte na lungsim ah

khanlet sah sawm in sem in. Mi thada lungsim khu Setan Worship ahi chi thudih thei zing in.



*Gospel Tangkou July - August 2022*

2. Pasion apat guolzawl na ding keng ni ka nei a, bangzieh mute sim zingin. (1. Thes.5:8; a mi hausapen hilou thei ding Eph.5:20). ka hiei?.

Guolzawl na imute isim ding uh ahi. I nei zouloute hilou in, hunhoi leh manpha ineite isim ding a, hun hoi hing tung nailoute isim sih ding uhi. Tualeh guolzawl na ihasuote sim lou in, guolzawl na imute mai isim ding uhi.

~ Guolzawl na isim lou dingte :

\* Guolzawl na itan khah loute, buoina ituohte,

**Ngaituo jing dingte :**

Neh ding, sil ding, teenna inn, na innkuonte dam theina, zalenna, nasep. Tuachilou na neiloute mawng mawng ngaituo khah a nei lou ding ahi.

a) Van a Ahsite etna ding Telescope nei ka ut vangin, ka nei zousih a, hinanleh mit ni ka nei ziehin ka kipah mama hi.

b) Luxury Car tha toh lawmte muna a hattah a tai vang vang ding ut huoi kasa mama hi, hinanleh Car tha sanga detzaw keng ni ka nei ziehin ka kipah mama hi.

c) Tung a um Pasion etna ding mit ni ka nei a, thumna nei chienga kilkhawm ding khut ni ka nei a, Biehin a hingpui lut

3. Na ngaituona leh na sildei a sang zaw leh asiengthou zaw ding in hengin (Kol.3:1; Mat. 6:33). Khu lungkim tah in a um a, a anneh ding khu ama sawlpa nasep ahi.(Jn. 4:35). Lungkimna nei theiloute khu khovel silte mai ngaituo a neite ahi uhi. Lungkim theilouna na nuoisie theina ding, leilam silte nangaituona khu van lam(tunglam a sil umte) a sil umte ngaituona in na lungsim naheh a ngai hi.(Kol.3:1-4). Damsung dai lelding silte apan, tangtawn dai ding silte in heh a, van tun theina ding hinkhuo a, inn na lam ngai ahi.

**4. Buoi zing in :**

Mi thada lungsim khu setan nasepna munpi ahi. Jesu bangin nahoi sem dingin pawtkhiet sawm zel in-Nas.10:38. Tuachiin phunna ding hun leh tahsap leh deite mai ngaituo na ding hun na nei mansih dinga, tualeh na lungsim ahing kan leh lungkim theina hing tunthei silte na manghil hiei hiei dinga, tuachi'n a tawp chiengin phawpha nonlou in na hing um theita ding hi.

*Gospel Tangkou July - August 2022*

5. Bang chituh a khosahna hoilou ahiei chi hoitah in ngaituo in:

Hongkong a Missionary Tom in tam bangin angaituo khie hi. Hongkong ah mihing 500,000 te buhneu sungah a teng ua, mihing 15,000te lupna tungah lum ua, zantha a nasemten sun chienga a lupna ding ua a khel uh ahia, suntha a semte zan chienga a lup zel uh ahi. Mihing 6000,000 sanga tamzawte inn tungah teng ua, 50,000 te dukan sung leh gari sung inn lim leh kalbi tung pou ah a gieh uhi. Mihing 7000,000 te varanda ah a teng ua, mihing 12,00 te mun awng pou ah agieh ua, 30,000 te long sung ah gieh uhi. Mi 3,000 vel huangsung khat sungah a teng ua, mi 20,000te tenna ding neilou in kholai ah a vah vah ua, min dukan a khah zou chieng un lampi lai vel ah a gieh zel uhi. Ngaituo in tun bang nanei a, bang nanei sih a, lungkim louna ding bang a um ei?

6. Kipahna khu sil tapi nei a kinga ahilou dan zilkhie in(Ezkl. 5:10)

Hinanleh khovel silte deina leh ikhotang hindan un tam ahing gingtasah thei sih a, ahilouleh mukhe lou dingin ahing bawl zel ahi. Tuachi'n mi

tamzawten khum khu a del zing ua, nitengin a sangkai hiei hiei ua, a tam sem a mubelap zel uhi. Hinanleh tuaten kipahna leh lungkimna a tun ei le? A tun naisai sih hi. Bangzieh atadie le? khotang leh mithei a tallang mama tampite Pscyhiatrist te kungah a pei zel ua, sumdawng hausa leh mitampiten ulcer natna a vei jel uhi. Ahi lungkimna dihtah khu pawlam suoh hilou in sunglam apan hing pawtkhie ahizel zaw hi. Shakespear in Henry Smith in agel tang thu Barclay in, "Kumpi khat lungkimna ding sui a a gam sung a vielvah zel khat kimawlna bawl mite kungah ahing tunga,- Kumpipa ahi chi ahil tah un Gamekeeper khatin hichi'n a gen hi. Na Manglukhu hei a koi nahia? chiin ana dong hi, Kumpipan a dawng a, - ka Manglukhu ka lungtang sungah a um a, ka lutungah a umsih, tam khu diamond leh suong mantam a zep ahisih a muthei zong ahisih a, ka Manglukhu khu lungkimna ahi," Mang lukhu kumpiten a kipahpi ngaisih uhi.

7. Sil mawltah leh hinna a dinga poimaw silte ngaituo pen in nei inlen, noptatna hinkhuo kipahpi ngaisin.

*Gospel Tangkou July - August 2022*

Neh ding leh sil ding inei leh tuanah ilungkim ding uhi.(I Tim.6:8) chikhu misiengthou Paul kingahna ahi. David in tambang in ana genkhie hi. "Midihtat sil tawmnou khat nei khu, mi gilou-salou siltampi nei kengkung sangin amanpha zaw hi" ana chi hi.(Late. 37:16). Solomon in tambang in agen, "Tua gou thupi leh buoina sangin Mangpa zauna toh tawmnou khat nei ahoi zaw hi" ana chi (Pau.15:16).

I hina bang hilou in inei tungah ilungkim ding uhi.

Deina phahtawp neisahtu khu lungkimna ahia, lungkimna dingin eima a lou etlahna himhim neilou ding (pulpit commentary)

1. Na sil neisun teng tung uah lungkim un.(Heb.13:5).

2. Hagau lam dinmun ah ilungkim sih ding uhi.Tam khu Laodisia hattuom te mawtna ahi.( Kol.13:14-22). Pichinlam manaw itum ding uhi. Heb.6:1). Mailam a umpen phatuomna in idel ding uhi. Phi. 3:13,14). Eima hoi huntawh kisahna khu mimal leh hattuom a ding a sietna ahi. Tamte zieh in lungkim theilouna hinkhuo apat lungkim theina hinkhuo itum ding uhi.

Na hina ki en inlen, midangte hoina mutum in = Source: Lungsim damdoi laibu apat lah ahi.

~~~oio~~~

GOSPEL GAMCHIEM LAM ZUON

~ Nh.T.Nuamboi, Women Promoter

Israelte Canan gam zuon a apei lai un, doutu tampi a um a tua doutute khu gam dang mite mai hilou in amau sung mama apat in zong ana tuoh uhi. Numei naupang simlou a Lakh guh hing pawt uh hinan leh Canaan gam tung zou a lah uah mi ni mai mai ahi ua, amaute Nun tapa Joshua leh Jephunneh tapa Kaleb te ahi uhi.

Egypt gam suoh leh sal a alut ding akisah lai un lamkaal ah umna ua pat puidoh a, genthei hasatna amasa a sang in hasa thuoh nonlou ding a, gam gentheina a tuoh chieng un chiem gam bawngnoi leh khuoizu anuasie uh gam a neh leh tah ngai luonna gam, kining chinna gam vung vung in aum uhi. Tua bang

Gospel Tangkou July - August 2022

ahi chieng in Mosi kungah hing phun panta uhi. (Kisim-nabu 11:1). Teberah mun ah koi in neh dawn ding ahingpeta diei? Chi'n phunta uhi. Ei gingtute zong gamchiem zuon a ipei lai un hasatna, gil kiel dangtah hasa tah in ahing kipanta hi. Azieh pen Israelte'n zong Egypt gam aum lai un du du ne in a mau ut dan dan in ana um ua tuazieh in hasa saa uhi. Tuamabang in gingtute zong neitu ahing kiheh chieng in eima deidan a hin pen hithei nonlou ahi chieng in genthei hing kipan pan in hasa kisa pan hi. Gamdai munah Pasion in a neh ding uh apoimaw bangjel un pezel nanleh lungkim tuomlou in phun leh nua in a um ua, Pasion lungkim sah lou uhi.

Miriam leh Aaron te Mosi tungah a hing phunta uhi. (Kisimna bu 12:1). Mosi in gamdang numei zi in nei a, asanggamte pen apanpitu ding hinanleh phunsan leh gensetu in ahing pang panta uhi. Tulai ei gingtute lah ah zong a hatloute kidomsang/panpi nahsang in ahoilouna chiemte in, ahoina zouzaita musawm lou in a sanggam/a kinaipi pen te a dem setu in kipang kha zel hi. Tuazieh in Pasion lungkim lou hi.

(Kisimnabu 13:32; 14:3). Mipiten Pasion muong zou lou in Mosi leh Aron kungah a hing

phunta uhi. Paran gamdai a Kadesh mun a Canaan gam enkhete ahing tun lai un mipite mai ah gam enkheten lungke tah in thu ahing tut nalai uhi. Tuazieh in mipite alungkie ua, Mosi leh Aron kungah tam gamdai a midangte thagam bep dinga koute bang ding a nang puidoh ahiei, chi'n amawsah ma ma uhi. Ei tulai gingthaten zong/Khristian kichiten bang amakhat ikinep lou dan a ahing um chieng in ei ma leh eima kisuh hatna ding a lah zawlou in lungkiet na inei jel ua, Lamkaite kungah phunna in inezaw jel uhi. Gamchiem lam izawt lai un hamsat nate hing tung thei ma ahia, hinanleh meikuong leh meilum tungtawn a hing zawpi theipa en lou in leitung lam iha et khah chieng un ki lungke thei zel ma hi. Bang chibang hasatna mihing zaw guollou ding akilawm lou hinanleh ang puitu leh hunchin a ikung a umpa toh idou a ipan khawm leh zou ngei ding ihi chi lunggel inei ding uh a poimaw hi.

Israelte lah a lamkai apang pha Korah, Nathan, Abiram te leh lamkai lien mi 250 ten Mosi leh Aron ahing douta mawh ua (Kisimnabu 16:1-3). Mosi leh Aron kungah " Kisahthei sengta uteh, mipite zong a siengthou chiet uhi. Mangpa zong amaute lah ah a um hi, bang ding a kikoi

Gospel Tangkou July - August 2022

tungnung tuom nahi uoi mah?" chi'n a douta uhi. Lamkai zatat louna lientah a hing umta a tua ziehin Pasion a tung ua lungkim lou hi. (Kisimnabu 16:32). Tualeh leitang in akam akah a, amaute a innkuon un a nei a lam zousie utoh a valtum siengta hi.

Gam chiem lam zuon a ipei lai un pilvan mama a ngai hi. Bawl thei kisah sengna, ipil isiemnate zong a zahna ding bang tah a izah khahlou chieng in ei mai mai hilou in i innkuon, ihattuom, inampi tan in siet law thei hi.

Israelten zong gitlouna hun toh nei lou in Mosi ang phin pankiata ua, (Kisimna bu 20:3). Zin gamdai ahing tun tah un tuidawn ding ana umsih a, hasatna lientah thuohna ding mun ahing tun chieng un Egypt ngainat kiana lungsim ahing kilang jel hi. Pasion ze-et na thuoh zoulou in hindan lui a kia ut kiana lungsim hing um zel hi. Hinanleh tua bang hun hing tuntah chieng in gam chiem gam

bawngnoi leh khuoizu luonna gam tung nailou kahi chi iki gel doh zel ding uh a ngai hi.

(Kisimna bu 21:5). Tuachin mipiten Pasion leh Mosi agensie panta ua, Canaan gam zawtna lampi pen ahasat seng zieh in lungkim lou in phun leh lungkim lou in phun ahing kipan zelta uhi. Tuazieh in Canaan gam, gam chiem tung zoulou uhi.

Simtu deitah nang leh kei zong gam chiem zuon a ipei lai un, natna, hasatna, buoina tampi tuoh ding um ding hi nanleh Jesu lam en zing vai. Leitung i et laisie'n lungkiet na ding tam mama hi. I doute pen tahsa leh sisan ahisih a vanmun a hagu giloute ahi zaw uhi. Israelten zong Canaan gam a zot lai un mi naupang leh Numei simlou in mi Lakh guh lam pha uhi. Hinanleh Joshua leh Kaleb mai mai, Egypt apat potte lah ah Kanaan gam lut uhi.

Ginum tah a thuoh muolsuoh zouten gam chiem luod ding hi.

HATTUOMTE A DING A POIMAW KITHU HILNA CHINGA TE:
(Five Instruction for the Church)

1. Mangpa Pasion khu na lungtang zousie toh na it ding ahi - Worship.
2. Nangma naki it bangin na invengte it in ~ Ministry.
3. Tuazieh in pei unlen, namchin apat nuazui ding bawl un len~ Evangelism.
4. Pa leh Tapa leh Haguasiengthou min in Baptis un ~ Fellowship
5. Thu ka hing piehte zousie zui dingin thu hil un ~ Discipleship

MELC PASTORS leh EVANGELIST TOUR - 2022

GROUP - I TE TOUR REPORT

Manipur Evangelical Lutheran Church te term khat sung mid year a ana ki bawzel bang in tukum 2022 Pastor teleh Evangelist te tour kapeina uh report pethei a ium ta man un Pasion in thupi na jousia tang taken..!

Pasion in program te hing supiching in Dt. 25/7/2022 in MELC office a Director of Ministries makaina in tour pei dingte flag off na nei ahia, tuami toh kiton in azing ni Dt. 26/7/2022 zingkal nai 10:30 am ding vel in Group-I Rev. Kamminthang Tungnung makaina in Lamka khopi nuasie in Thanlon bial lam mano in ka kaun ta uhi. Group-I list tam anei a bang ahi:

Rev. Kamminthang, Rev. Kapsuankhup, Evan. D. Ginpu, Evan. T. Donglam leh Pro. Pastor Johnlal te ahi uhi.

Lamsuh, lamtou ah Pasion in kama uh hing pui in Aina khua da 2-00 pm in ka tung ua, tuachin Aina khua a kingah zual na ding mun ka hawl ua, I hattuum mi leh sa umlou ahi man in anop khawl sih a, hinanleh inn khat a kava ki nga thei ua, tuachin Leitan Hattuumte ve ding in Aina khuo nuasie in ka kuan kheta uhi. Aina khua kaki pat khiat ua kipat in gua leh dai te zu in lam zawt in Leitan khuo ka zuan ua, mi bang zat ahiai ten lampi ana zuisa uh leh ana pei ngaina sa mun uh

hinan leh kouloi in hamsa kasa sim mama uhi. Hamsa chi a complain na lam hilou in imi-isate khosah na, ne leh ta hawl na tambang ahilai a Pasion na sepna ah kukal tah a apang nate uh imu chieng in itha hing suhat tuam mama hi.

Gua leh dai nuai ah Leitan khua da 3:00-4:00 pm lah vel in katung uhi. Hattuum mite leh khosung miten katung ding kal uh bang na ngahla in ana um uhi chi musuo thei in aum a, kipah tah in ahing na lam dawn ua, tuilum te hing na don sah pai in, kisil na ding tuilum leh tuisa te bang hing bawl pieh in ka tawldam tuom mama uhi. Nitah in Pa. Chinkholian in Local te jong liau sah lou in ama mimal kiphal na toh Tour peite kel (Goat) khat toh hing na vai tun hi. Imi imisate uh kipieh dan leh kiphal nate uh imu chieng in lungdam huai hi, Pasion in ama uh gualzawl semsem taken.

Tuachin nita kikhop khuo mipite toh kanei ua, kikhom zat numei-13, pasal-13. Letan khuo inn phazat ahileh 11 ahia, inn phat zat toh te ding in kikhom pen hoi mama chi thei hi.

Gospel Tangkou July - August 2022

Pasian thu leh laa a ki pawl khawm in, tuazou in Leitan Upa Lianzakhai kunga houlim na kanei uhi.

Azing ni zing mong matah in inn vena kanei ua, inn katuan suah thei ua, tuachin Leitan nusia in Aina-Leijangphai zuan in Leitan khua leh tuite ka nuasia ta uhi.

Leijangphai khua ka tung un S. Zoumun sangsia Pa Malsawm in ahing na nga a, ama toh S, Zoumun zuan in kapei khe kiata uhi. Leijangphai leh S. Zoumun kikal lam suh leh toute buan char char in kal suon in mailam nawt in kal ka suan zel uhi..... huiii.. haaa... gimhuai sim veve.

Tuachin S. Zoumun khua nai 4:00 pm in katung uhi. Hattuum mite leh khosung miten ahing na mu chieng un atha nuam ua, kipa tah in ang na lamdon kia uhi. Sangsia Malsawm in Tour peite ama mimal tah in ahing na vai dawn kia a, Zan in Pasian buah na hattuum mite toh kanei uhi. S. Zoumun in pha zat ahi leh 13 ahi.

Zingkal matah a thou in S. Zoumun apat Saite khua ka zing del tou ua, Saite khua a hattuum mi/khosung inn khat maimai aum a, tuachin baih inn te va en in Saite a innsuang Pa. Sutpu leh a atapa toh kikhop na kanei ua, Pa. Sutpu in akipa dan thute gen hun peisa te thugen in hun azang a, Tour ten ama uh innsung mite adi'n thumsah na

kanei in sil lat dingte lan in kikhe la pumpum in Saite khua nuasia in kaki le kia ta uhi. Akidang mama khat ahi leh Pa Sutpu te innkuan chitah na mukhiat in aum a, Somakhat ana khol ngat ngat Tour te Rs. 6000 tah ahing pawsah hi. Igam hasa in ne leh ta sui hasa nan leh imi isate pen Pasian zau natoh, chitah natoh ana um uh pen kipa huai mama hi.

Saite apat S. Zoumun katung chiang un, ann te ne in Leijangphai khua kadel suh kia ua, tuachin Leijangphai da 3:00 pm lah in katung ua, ki tawldam in ki susiang in ka um ua, kikhop thei leh kikhop thei lou ding in kabuoi ta uhi. Aziapen, Leijangphai a vangsiat huai tah in mishi ana um zia in kihop teitei ding jong silnuom hing hi khawl nonlou hi. Khosung ki vai hawmna ah, tanbang sil aum chieng in Buah inn te kihop na um lou ding chi ahi man in Leijangphai a kaki khawm theita sih uhi. Hinanleh, lusun na mun a lengkhawm in kava pang uhi.

Azing ni zingkal Dt. 28/7/2022 in Leijangphai khua inn ve kanei ua, hattuum mite jousia kave sua uhi. Inn teng ka tuansuah zou un Leijangphai hattuum mi e toh zingkal ann ne masang in kahing ki khen ua, Lamka lam kahing zuan ta uhi.

Tuachin Dt. 31/7/2022 Pasian ni zingkal in Lamka

Gospel Tangkou July - August 2022

khosung a hattuumte vena kahing pan ua, Thingkangphai MELC a Upa Khamlianmang makai na in ahing na vai dawn ua, biah na nei masang in I hattuum mite ateng na mun ua inn vena kanei suoh kia ua, tuajou in Chowkidar pan ama mimal in Tour te ahing zintun kia hi. Sun kikhop na nei Haitha toh thua in biah na kanei uhi. Tuami ni in MELC Thingkangphai hattuum miding inn khat lahlut na aki nei hi. Thingkangphai in pha zat 19.

31/7/2022 zan in Ngulzenveng MELC tetoh kipawl khawm kia ding in kaum ua, Ngulzenveng a jong Local Chairman pu lamkai na toh LCC ten kilawm tah in hingna vaidawn kia uhi. Zan kihhop masang in inn vena kanei kia ua, inn suan teng ka tuon suoh kia uhi. Tuajou in ann tuitah Local tetoh nekhawm in zan in Pasian biahna hattuum mite toh kanei ua, thu leh laa in kaki pawlkhom uhi. Inn pha zat 21.

3/8/2022 ni in Simveng MELC te toh kipawl ding in ka kuan ua Local LCC ten lungkim tah leh kipah tah in hing na vaidawn kia ua, houlim khawmna ah Hattuum peidan leh asil mu dante uh ahing hou limpi uhi. Kihoulim na nei jou in ann kuang soh khawm in zan in Pasian biahna nuam tahn kanei thei uhi.

6/8/2022 in Central Church, Tuibuong vena kanei ua, Upate leh Local committee ten kipah leh thanuom in hingna vaidawn ua, hattuum um dan leh masawn thei dingdan houlim na nei in hun manpha tah kanei khawm ua, tuazou in Pasian biah na nei khawm in Pasian thu leh laa ah kipawl khawm in hun ka mang uhi.

7/8/2022 ni in Mata Mualtam vena kanei kia uhi. Tuanah hattuum a Local Upa in ahing na vai don a, Sun kihop na nei in tuazou in Inn vena akinei kia hi. Inn Pha zat 8.

7/8/2022 nitalam in D. Phailien Hattuum ve nei Upa Langminthang inn a kipan san in Phailien hattuum inn vena kanei ua, kave sua uhi. Tuazou ann ne in zan ion Pasian biah na Hattuum mite toh kanei khom uhi. Inn Phazat 7

8/8/2022 ni in Manniang khua vena kanei ua Local teleh Upa ten Upa Zamkhanpau inn a hing na vai din ua, kihou limn a te nei in ann ne khom in tuazou in Pasian biah na ka nei ua, kihop top in Hattuum sunga damlou umte vena leh thumsahna kanei uhi.

Mukhiate:

➤ I hattuum ten Pastor te leh Evangelist te ahing mu chieng un, hingna ki pahpi mama ua, lamet na lienpi tah nei in hing na vaidawn uhi.

Gospel Tangkou July - August 2022

➤ Ahun leh ni pen hawmtho mama ua, hun khat mei mei kipawl khawm pen hawmtho thu gen chiat uhi.

➤ Ahithei leh hichi bang program aum kia chieng in nikhat teitei tham a sun leh zan in kipawl khawm thei lei chi lung gul mama ua, seminar toh bang kithuo thei leh chi lunggul uhi.

➤ Ahun leh ni suhsau thei lei deihuai ahidan agen uhi .

Hattuum ki phu chil lai a lamkai masa ten hamsat na bangzat ana thuoh ding ua tunia tamtan chieng itun thein a ding ua pan ana lah nate uh ngaituo thatha in hing um a, ama ute patathuai kas aua, nahpi tah in patatna kapia uhi. Tuaban ah hattuumte jong hattuum

kiphu chil lai sangin kihong chiet ua, ahoi thei pen ding leh anop thei pen ding tupna in pan ana la chiet uhi.

Thutopna:

Akinei va zung hi hen lan ata samsam apoi maw dandan ua panpi jou vajung hi lei tour nop dieh va eh. Hibang a hasa pumpum a ium lai un jong eite tung a Pasion gin umna muthei in um a, hing lamsang ta mama hi. Tuaban, hattuum mite jong Pasion nasep na ah chimtah neilou in ana pang chiet vevaw ua kipah huai mama hi. Tamsang a hatzaw ding leh kalsang suon jou ding leh Pasion na gimum tah a sem jou semsem ding in Pasion in Hattuum te Local hi in milip in hing mapui tachen.



Gospel Tangkou July - August 2022

**GROUP NO.2 TE TOUR
REPORTNA TOMKIM**

I hattuom in ana peitoupi zing Pastoral Tour chia kiminvaw a, kumthum hal jela ana kibawl jel pen tukum 25th July 2022 ha in kipatkhieta vaiguon MELC Office, Martin Luther Hall ah Director of Ministries Rev. Nengkhanlal Milun in flag off ana bawl hi. Kou group number 2 te ka hi ua, group a pangte ahi leh: Rev. Ngilzakhup, Lamka D.S, Pastor Lamgen, Biel Pastor Singngat, Pastor Khup Do Khen, Biel Pastor Lamka leh Evangelist Goukhanpau te kahi uhi.

Nisim 26 July 2022 ni in Phaibem khua a MELC hattuom te vena kava nei ngal ua, atuom-apaai a zintunna umlou in Bieh Inn compound ah, Local LCC teng toh nitah an nehna Local LYF ten ahing sai sah uhi. Nitah kikhopna nuamtah in ka jang ua, kikhawm hattuom member jong atam mama uhi. Kikhop zou in Local Chairman Upa Kuanlun Haokip te inn ah ahing gieh sah uhi. Nitah lup masangin, hattuom mite khosahdan, sum le paai suidan leh hindan tangpita kikapna ka nei uhi. Tuazou in Laisiangthou sunga thu hasa tuom tuomte kikapna leh houlimna ka nei uhi. Israel te tanchin, galhang Jephtha leh atanu, hundamna mangthei or mangtheilou chite khu thanuam tah leh lunglut tahin ka houlim thei uhi. Phaibem MELC ten ahing na vaidawn dan uleh ka pei ua ahing

vaihahdan uh pen lungtun huai leh kipah huai mama hi.

Tuachiin, azingni zingmawng baitah a thouin, LCC tetoh group thum a kikhen in, Hattuomte Innsuon tuonsuoh in thungetna kava neisah chiet uhi. LCC Chairman pa inn ah zing ann ka nechiet uhi. Tualeh kikhela mama kawmin malam ka suon kia ta uhi. Ama uhte toh nikhat jahkhawm nahlai ding lunggul nan le uh, guoltuohsa program zuilou theilou aup ziehin, nikhat beeh taam nalai dingin ahing hou ngam tasih uhi.

Tuachiin, Phaibem khua apatsa in Kullian Khuo ka hing tungta ua, a hausapu Upa Khupsuanpau in ahing na vaidawn a, ama inn ma ah nuam tahin ang tawldam sah ta hi. Zin ahing hawm sih ua, Nitah ann jong hausapu inn mama ah ka ne den uhi. Nitah kikhop jong anop mama a, ama uh khua adinga, Nitah kikhop a mitam nipen hidingin ka gingta hi. Kikhop jou in Upa pa Inn ah houlimna hattuom thu tuom tuom gen in ka lim thei mama uhi. Hattuom angainat dan leh ihattuom a dinga khuam le ban ahidante leh hunluilai thute akena, nuomtaha ka houlim na ka nei uhi. Upa pa leh Upanu mama kalup na ding uh bawl in aki peibuai wawt hi. Upa pa in, zing ann nesa a napei ding uh ahing chi a, kou jong ann neh man da mai va ung, in zing pei mai va ung chiin aki hou uhi. Hinanleh Upa Khupsuanpau in aloinu kungah, **“Na thawh baih ding,**

Gospel Tangkou July - August 2022

ann na huan baih ding, zing ann nesa a Pastorte ikhak khat tei tei ding ahi” chia Upa pa thugen ka ka bil ha ah ging nalai e.

Tuachia, zingmawng baitahin ka thou ua, ka kihasieng jou un nungahten zing ann nehdingin aluipieh ngal ua, mansa diem in Behiang Bus ngah in Hausapu inn mai veranda ah ka tou chiet uhi. Hausapu in a Bieh Inn bawldan leh ahinkhua hun paisa thute ma ahing houlim pi hi. Vangsiet na kawm kal ah, Pasion hoina jong dong mama ahi dan jong agen hi. Houlim nop lai lai in, Gari hingtai te Behiang Bus hitava e chi’n, katouna uh patsan, ka taikhe duam duam zel uhi. Bus khat ahing tai tah tah ta a, lampi gei ah, ka ding chiet ua, ka et uleh, Bus mai ah, Behiang Bus chi akitah lou ziehin, ka taisuoh sah ta uhi. Tuachiin, sawtlou in Bus khat ahing tai kia leu leu a, tami pen heisung mun tung ding hinan leh tuon suh gop di himai chi in ka khaam ua, ka tuang suh gop ta uhi. Bus sung a ka tuan pite un, Bus peimasa pen Behiang Bus ahi a, tam pen Singngat Bus ahi chia ahing gen chiengun, lungdon huai ka sa sim mama uhi. Bangteng hileh, Singngat itun pou pou leh ikeng in lamjot suh char char mai ni uh awle chi’n, lungke lou tahin ka tuang tou vang vang ta uhi. Bus sungah, vangphat huai tahin, melthei mi khatin, ka hawna ding uh ahing kan a, Behiang lam pei ding ka chi uhleh, Behiang Bus driverpa a

phone call abawl pai a, “**Pastorte Behiang lam a tour peiding hi uh e, Singngat ah ana ngah ham ham ua**”, chi’n ngetna ahing bawl sah ta hi. Behiang Bus in Singngat ah ang na ngah a, tuachiin, Singngat ka tun un, Behiang Bus ah lungdam tah in ka hing tuang kia ta uhi. S.Sehken khua shi leh naang in kang tung thei ta uhi. S. Sehken hausapu Upa Suohmang te nupa in ahing na vaidawn pai ua, tuachiin ama uh inn mama ah kinga in ka khawl tawldam ta uhi.

S.Sehken khua pen inn tamvot lou ahi ban ah buh suan tha it laitah ahijiehin, mi koima jong inn ah ana um tam het sih uhi. Nitah lam a hi in vaikuan te jong khat khat in, inn lam ahing tung liai liai ta uhi. Pastor Tour a hing peiding kichite nahi uh ama, chia kidong tua kawm in khat le ni in chibai a ahing buh uhi. Pa Lian kichipa in Pastor Tour a hing peite keima’n kava ding achima bangin amauh inn uah nitah ann ne dingin kapei ta uhi. Biehinn dah ahing ging pai a, kikhawm in ka kuan ta uhi. A Biehinn uah, electric MEIVAH ahing seta dialdual koi a, a ki nawbawl thei tah lou ziehin, emergency lamp te toh ka ki khawm valuai uhi. Nop veve e. Kikhop a nuam a, thugen jong nuam hi. A khomiten jong nuam asa uhi. Kikhop zou in Hausate inn ah sawtlou ka houlim ua, nasem gim ngen ahi utoh, koujong ka gim sim utoh, ka lum baita uhi. Ihmut nop mama e.

Gospel Tangkou July - August 2022

Azing khua ahing vah ta a , Pa Suan tapa in sakhi khat amat pen, a sungteng ahuan ua, tuanah Maitam lem kawm in, zing ann ka vane ta uhi. Hausapu in jong, **“Kou inn ah, khat veibeh ann neman lou na ta uh khu yii,”**. Tuachiin, ann neh zou in, khosung mite vaikuan hun toh kituoh in kou jong Suangphu lam zuan dingin ka kithoi pan ta uhi. Vangphat huai tahin, hausapu in, a Car toh Behiang tan ahing thah hi.

Behiang Vengpi akipat in ka vanteng uh pua kawm in Suangphu khua lam zuan ding in ka hing kisa ta uhi. Tuachia, kenga lamjot in ka pei jel ua, Vanlengjang a Sepoy te umna mun ka phah kuan un, Suangphu Upa pa Kamlian jong, a Gari toh, kou hing hungai dinga Behiang lam zuana hing tai, ka ki bing tuoh phut uhi. Sepoy camp ah, Aadhar Card te ka va etsah zou un, Upa Kamlian in a khua uh **Suangphu** tan ahing puatung ta hi. Sepoy duty puapan Aadhar Card ahing check lai in, tulai gamnuai mite Chikha ah um unchin, kou adinga zau huai la lou ahi. Tuazieha, mi suhpai-toupai jousie ka velchien jel uhi. Suangphu khua ka hing tun un a hing na vaidawn pai ua, a kam uh asiem tah in ka vante uh ahing dop sah pai lien uhi. Ka maitang phat na hilou in, zin dou siem uh himai, iLaisiangthou a Paul khualzinna kigen gente bang ilungsim in mutou dundun mai dan ahi. I hattuom Quarter uh jong bawl nop vawt uh. A sung partition a

kizang puanzah lienpi pi kikhai te jong khu, I hattuoma Women Promoter a inei uh, mifel mama **Nungah Nuamboi** tuoh/leisah ahidan ahing gen uhi.

Kou hing nousiet dingin, I hattuom Quarter ah ahing haw chiet liuleu ua, khumi quarter pen tulai tahin Syeapa Donglam upna ahi achi uhi. Biehinn kongmai apat ikhua dah leh, Burma lam khua Haiciin taang, Vanglai mual, Cikha lam Khuavum lam kimu thei hi. Nitah in Bieh inn kong mai a, Chowkidar quarter ah, LCC teng toh ann kane khawm ua, an huanme huan jong asiem mama uhi.

Nitah Bieh inn kai jong anop a, kikhawm jong ka tam mama uhi. A local LYF ten jong lapawl ahing sa ua, siam kasa mama uhi. Bieh Inn kai top in Quarter ah, I hattuom memberte, numei jong pasal jong ahing peikhawm ua, hattuom vai tuom tuomte leh Laisiangthou sunga thu um tuom tuom te kaki kum uhi. I hattuom mite adingin I Workers Tour pen kipahna leh lametna lienpi ahi dan jong ahing gen uhi. Ki nepna lienpi toh ahing na ngahzing ahidan uh ka thei khia ua, hun ka hawmthaw mama uhi. Zing ann ne ding in Pa Haupe in ang chiel na bang in a inn lam ka zuan chiet ta uhi. Pastoral Tourte an nehkhawmpi na leh maitam bawl na dinga, me tuitah ahing na bawlsah ahi hi. Tour peiten I Bieh Pasian in mapuina, daupaina leh mavanna apiehna dingin ka ngetsah uhi. Ama un, Mangpa thupha,

Gospel Tangkou July - August 2022

Mawtaw (Gari) 407 Pick Up te khat leh Bolero hoi mama khat anei ua, khumi Bolero pen mama toh Behiang tan ahing koi suh uh ahi. Suangphu a ihattuomte toh kikhela tah a Mangpha kihah in ka hing kikken khong khong ta uhi.

Behiang zuan in kangpei ua, I hattuom Quarter ah ka tawldam ta uhi. Hattuom upate toh ka houlim khawm hi. Behiang MELC te bieh inn lam hapan mama ua Upate toh jong bieh inn lamna mun ah ka va houlim uhi. Tua chin Upate hunnuom kazang ua ka nui khawm uhi.

A bieh inn bawl uh jong alian mama hi. Upa Haulian in, “A mai lam ning khat leh anua lam ning khat a umte, mobile a ka ki hou uh ngai ta va” achi hi. LCC teng toh nitah ann ka nekhawm zai zai uhi. I bieh inn pen, a baang tehlei akam zouta ua, a Balcony lam teng jong Saat asung zouta ua, Pasian lungsiat na toh zawbai tah ding uh ilam en hi. MELC WORKERS TOUR a pastor te hing pei uhi chi atheisa uh ahima bangin, nitah biehinn kai mi jong a hing tam mama ua, biehinn in ahing dawl tasih hi. Behiang khua a Manipur Police leh IRB umte jong, tamsim kuam honkhat jong ahing kikhawm uhi. Thugen anop a, lasah jong anop mama hi. Kikhop jou in, quarter ah Upa Thienlal lamkaina in houlim khawmna leh khawlkhawmna ka nei ua, ham leh nui thua kawm in hunte ka hing jang liam ta uhi.

Azingni pen Tonjang khua a zing ann del phe dinga thu kazah tah zieh un, ka zing peiphei ta uhi. Upa Mangzakap te inn ah ka kinga ua, ihattuom member ten ahing na vai dawn khiu kheu gam uhi. MELC Workers Tour a peite ahing mutah un, aki pah thei mama ua, tha nga na lianpi anei uhi chi aki muthei hi. Loca hattuom te toh ahing kikken khiehna uh sawt nai het lou ahi jeihin, nauzaw inntuon pan ma abang sim nalai uhi. Khawlkhawm in, sil umdan tuom tuom te genkawm in ka hou lim uhi. Zing ann nehma hun awl ka nei sungpet un, I biehinn lui lam ah ka va kholai vahphei a, I bieh in mai akotkchah tungah, **“IMMANUEL LOCAL CHURCH”** chi sign board ana kitaah bembom ta moh a, hasiat tha bang ahing suoh zawzen hi. A Upa pa uh toh ka va ki houlim zual ua, aman hichi in thu ahing gen hi, **“Kam sunga lei leh ha jong kipet kha jel, koima lampam sihkhieul lou um lou, inn sunga I uite jong kikat a kihawlpot jel, ipoimaw chieng kihan lut jel, mouta khotai jong kinua lah thei kia jel”** ahing chi hi. Zing ann ka neh zou un, Community Hall ah Bieh kikhopna ka nei ua, Haitha Program nuamtah in ka jang ua, kikhawm jong akitam mama hi. I Bieh inn mun ding leitang jong JCB in aphu san jeng jung ta a, khat vei phuh be ngai lai ding achi uhi. Tonjang hausanu in jong I hattuomte ana it a, a khosung Community Hall ua, I hattuom ten

Gospel Tongkon July - August 2022

Bieh inn abawl zaw masangsie ua, aki khop theina ding ua ahing phal pieh banah, I bieh inn mun ding jong ahing pieh nalai pen lungdam huai mama hi.

Tonjang a sun ka kikhop zou un, Janguam khua lam zuan in ka kalsuan phei ta uhi. Janguam Upa Gouthang inn ah ka kinga ua, nasep laitah ahi ziehin koima ana um tam sih uhi. Upa pa inn a khawl tawldam kawm in Upa nu in singpi tuitah ahing dawn sah hi. Upate inn ah, nitah ann ka ne ua, tua zouin Nitah biehin kai in ka kuan chiet ta uhi. Unau Tonjanga I hattuumte jong, Upa pan ana chiel ahi dungjuin, mi tamtah Biehin ahing kai uhi. Kikhop zou in, Upa pa inn ah, hattuum mipite ka khawl khawm ua, local hattuum vai tuom tuom leh sil tuoh khahte ka gen khawm uhi. Workers Tour a hing peite akipahpi mama ahi dan uh agen chiet sou sou uhi. Local Hattuum teng in jong kumandang sanga sum kinei jaw, Bieh inn jong atamjaw ten bawl jou siengta chite leh hagau hinkhua a jong ihattuum mite khangtou chiet mama ta ahidan ahing gen uhi. A zing ni zingmawng in Inn suan totna thungetna leh Missionary Box honna ka nei uhi. Tuachiin, Upa pa inn mama ah maitam bawlna leh kikhopna ka nei zou un, zing ann kane uhi. Retd. Rev. S. Manga jong Janguam MELC Hattuum a, Sumpi apieh sih leh, Janguam khua Census a pansah louding ana chi dan ahi. An neh zou in kikhenna

chibai kibuh leh mangpha kang kihah uhi.

Zingkal lam a vaipot hah sim ka hi ziehun, Sumchinum ka hing tung ha sim ta uhi. Upa Haugou te inn ah ka kinga ua, ama khu pa fel tah ahi banah Upanu leh amoute jong ana fel mama ua, eima inn a tungma akibang zawzen ta hi. Nitahlam kiha siengna ka nei zou un, Bieh inn kai dingin ka kuan ta uhi. I Bieh Inn akibawl laitah ahi ziehin, Sumchinum Community Hall nop mama sungah kava kikhawm uhi. Kikhop anop mama a, mipiten jong nuam asa ua, atai thei siu siau uhi. Kikhop zouin, Hausapu inn ah Houlim khawmna kanei uhi. Topic tuom tuom ka gen ua, anuam mama hi. Numei lamteng hausapi toh atuam deu ah aki houlim uhi. Hot discussion te laha khat ahileh Thuhun Lui lai a, **(1Samuel 6:19)** Pasion bawm en a Bethshemesh khuate mi shi phaza 75000 or 70500 or 70050... **(fifty thousand and three score and ten men)**.. bang jat chet ahiei chivel ahi. Tuaban ah, mi khu zat zat in khat vei thu a, Pasion Bawm abang chi et uh la? Khat khat a aet uh maw? Mi ni le thum ashii jou a, adang ten a et tei tei uh ama? Gal gamla sim apatsa, mihonpi in aet uh ama le? Chite vel ah ka buai mama uhi. Hebrew Bible leh Authorised King James Version Laisiangthou in agen dan chet khu 50070 hi e, chi in hilchetna ka kipethei uhi. Nitah lup masangin Hausapi in maitam bawl ding ahing

Gospel Tangkou July - August 2022

chi a, maitam bawl a thungetna ka nei zou un, a inn sungtawng ua, Special Guest te lupna ah ahing lumsah ta uhi. Nop e chi ding himai. Zingmawng ka thoubai ua, kihasiang zaw in I biehhinn inn kilamtha na munah, Pasion kunga kilat na leh I biehhinn pen buaina bangma umloua, kilawm leh hoitaha zaw siang ahi theina dingin thungetna ka nei chiet uhi. Tuazou in group 3 akikhen in, I hattuom miteng inn suan totna leh thungetna kang neisah chiet uhi. Upa Haugou te inn ah zing ann ka nekia ua, Sumchin vum a ihattuom te jong nasep khohlaitah ahi jiehin abuai mama uhi. Aki pah thei mama ua, Tour vapai thaman um kasa mama uhi. A khua uh jong asiengthou a, anop mama hi. Sumchin vum a ihattuomte jong zindou dan ana siam mama ua, thadam ahuai mama hi.

Sumchin vum a zing ann ka neh zou uh sotlouin, Muallum Khua lam manaw in kal ka hing suan kia ta uhi. Muallum khua a ihattuom Upa muanhuai mama, Upa Kapzagin te inn ah ka kinga uhi. School kai ahing top un, iquarter ah ka vante uhtoh ka kisuan phei ta uhi. Upate inn ah nitah an ahing nesah ua, tuazou in Biehhinn lam ka zuan chiet ta uhi. Ka gintat sangin, Muallum ah ei hattuom mi ana tam mama lai ua, aguh tah in ka lung adam mama hi. Biehhinn kai jong anuam a, thugen lasah anuam mama hi. Zingmawng in ka thou bai ua, LCC te toh kithua in

group thum a kikken in ihattuom innsuan ka va tuan suoh uhi. I hattuom mite ana kipah thei mama ua, hattuom dange lah ah jong ei Pastor te ahing kisah theipi mama uh ahi dan ang gen uhi. Khumi ni zingmawng in, I hattuom a chowkidar **U Pau** in ahing na zintuna, ainn uah an tuitah le me tuitah ahing neh pi hi. Muallum ihattuom ten jong abieh inn uh abawl laitah uh ana hi a, a foundation zou in agu guoh aki tung ta vial vual mai hi. Zing ann neh zou in Lamka lam zuan in ka hing pei ta uhi.

Tuachiin, Pasianni ahing tung ta petma a, Zimawng kikhop M.Lunmual khua ah ka va jang thei uhi. Biehhinn kai masangin, group 3 akikhen in, ihattuomte innvena kava nei uhi. Tua zou in Upa Gouneithang te inn a zing ann kane ua, Biehhinn lam zuan in ka kuan chiet ta uhi. MELC Workers Tour te ana ki pahpi mama ua, Biehhinn ah jong Pasion phatna lasa leh laisiangthou gen jong ahing um uhi. Biehhinn kai anop a, lasah jong anop a, LCC te thusiamna jiehin, Tour a vapei teng kipahpina silpieh jong ahing pie uhi. Kikhop jou in, Hausapa Upa Goukhanlal inn ah ka khawl khawm uhi. Ama un jong Pastor Tour te toh hunzah khawm pen hawmthaw mama uhi.

Tuachin, nitahlam a MELC HQ. Church a kikhawm ding ka hi jiehin, lamka lam zuan in ka hing pei ta uhi. Hqtr. Church a LCC ten thu ahing pieh dungzui un,

Gospel Tangkou July - August 2022

nitahlam dah thum in LCC teng toh Local Pastor Quarter ah kikhopna ka nei masa uhi. Ka peina sate uh reportna jong ka pie ua, sil tuam tuam thulu janga kihoulimna jong ka nei uhi. LCC ten ann tuitah ahing nehpi uhi. Zomi Colony MELC a, LCC te jong afel thei mama uhi. Tua houlimna ah Pastorte khu amau nna a lunglut ding leh sum le pai, neh le dawn a pilvang mama ding in ahing hanthawn hi. Pastor te khu Thu le Laa a jong mi muanhuai mama ahi ding uh ahi achi hi. Bieh inn kai jong ahing tam mama uhi. Bieh inn

kai top in Inn bangza ahei khat totna jong ka nei uhi.

Kou group in khua 11 ahi hi. Pahmual khua jong kou groupte tot dinga guot hinanleh, Pahmual hausapa in, lemnanlouna aup jieha akhua uh tuan nai tadi lou dinga thu nuasie anei jiehin, Pahmual khua pha non sih uhi. Pasian in Pastor tour nua ah thugen henlen, guolzawlina toh I hattuom hing phung vua taken.

Report petu

Rev. Ngilzakhup, D.S Lamka
Leader, Group Number 2



GROUP-IV TE REPORT:

Group Member:

1. Pastor Khamkhenthang
2. Rev.Kamsuanlal
3. Pastor Kapkhanhau

4. Evan Thangkhanpiang

5. Evan Ginminlun

Tour hun sung a Local Church tuam tuam a kizat dan tangpi a nuai a bang in:

Gospel Tangkou July - August 2022

1. **D. Jangnom:** 26/7/2022 ni'n hattuum misiengthoute toh nuam tah in ka zang khawm uhi. Hattuum ten houtah in hingna vaidawn uhi.

1) Bieh Inn ah Pasion min a kipawl khawmna in hun mang thei in, 2) Inn vena zong kinei thei hi.

Tualeh, Pasion min a kalsuante a hing kipahpi ua, ne-le-tah zong a tui thei pen a hing na nesah ua, a hing dawnsah uhi. D. Jangnom a um hattuum misiengthoute zieh in Pasion min phat in umta hen.

2. **Singheu:** 27/7/2022 ni'n hattuum misiengthoute toh nuam tah in kazang khawm ua, ki lawmtah in Pasion mite kalsuan na ang kipahpi ua, maitai tah in angna lamdawn uhi.

1. Bieh Inn ah Pasion min a kipawl khawmna in hun mang thei uhi.

2. I nn vena zong kinei thei hi. Tualeh, Pasion min a kalsuante a hing kipahpi ua, ne-le-tah zong a tui thei pen a hing na nesah ua, a hing dawnsah uhi. Singheu a um misiengthoute zieh in Pasion min phat in umta hen!

3. **Khuoinuoi:** 28/7/2022 ni'n hattuum misiengthoute toh nuam tah in hun kazang khawm uhi.

1. Bieh Inn ah Pasion min a kipawl khawmna in hun mang thei uhi.

2. Inn vena zong kinei thei hi.

Tualeh, Pasion min a kalsuante a hing kipahpi ua, ne-le-tah zong a tui thei pen a hing na nesah ua, a hing dawnsah uhi.

Khuoinuoi a um misiengthoute zieh in Pasion min phat in umta hen!

4. **Khuangkhaijang:** 29/7/2022 ni'n hattuum misiengthoute toh nuam tah in kava zang khawm thei uhi. Hattuumte toh nitah hun zah dan tangpi:

1. Bieh Inn ah Pasion min a kipawl khawmna in hun mang thei inuhi. 2. Inn vena zong kinei thei hi.

Tualeh, Pasion min a kalsuante a hing kipahpi ua ua, ne-le-tah zong a tui thei pen a hing na nesah ua, a hing dawnsah uhi. Khuangkhaijang a um misiengthoute zieh in Pasion min phat in umta hen!

5. **Zo Bethel:** 30-31/7/2022 ni'n hattuum misiengthoute toh nuam tah in Pasion zar in hun kazang thei uhi.

1. Bieh Inn ah Pasion min a kipawl khawmna in hun mang thei uhi.

2. Inn vena zong kinei thei hi.

Tualeh, Pasion min a kalsuante a hing kipahpi ua, ne-le-tah zong a tui thei pen a hing na nesah ua, a hing dawnsah uhi. Zo Bethel a um misiengthoute zieh in Pasion min phat in umta hen!

6. **Sangaikot:** 1/8/2022 ni'n hattuum misiengthoute toh nuam tah in hun kava zang uhi

1. Bieh Inn ah Pasion min a kipawl khawmna in hun mang thei uhi.

2. Inn vena zong kinei thei hi.

Gospel Tangkou July - August 2022

Tualeh, Pasion min a kalsuante a hing kipahpi ua, ne-le-tah zong a tui thei pen a hing na nesah ua, a hing dawnsah uhi. Sangaikot a um misiengthoute zieh in Pasion min phat in umta hen.

7. Sugnu: 2/8/2022 ni'n hattuum misiengthoute toh nuam tah in hun mang thei uhi.

1. Bieh Inn ah Pasion min a kipawl khawmna in hun mang thei uhi. 2. Inn vena zong kinei thei hi.

Tualeh, Pasion min a kalsuante a hing kipahpi ua, ne-le-tah zong a tui thei pen a hing na nesah ua, a hing dawnsah uhi. Sugnu a um misiengthoute zieh in Pasion min phat in umta hen!

8. T.Vajang: 3/8/2022 ni'n T. Vajang hattuum misiengthoute toh nuam tah in ka zang uhi.

1. Bieh Inn ah Pasion min a kipawl khawmna in hun mang thei uhi.

2. Inn vena zong kinei thei hi.

Tualeh, Pasion min a kalsuante a hing kipahpi ua, ne-le-tah a tui thei pen a hing na nesah ua, a hing dawnsah uhi. T. Vajang a um misiengthoute zieh in Pasion min phat in umta hen.

9. Tuining: 4/8/2022 ni'n hattuum misiengthoute toh nuam tah in ka zang khawm thei uhi.

1. Bieh Inn ah Pasion min a kipawl khawmna in hun mang thei uhi. 2. Inn vena zong kinei thei hi.

Tualeh, Pasion min a kalsuante a hing kipahpi ua, ne-le-tah zong a tui thei pen a hing na nesah ua, a hing dawnsah uhi. Tuining a um misiengthoute zieh in Pasion min phat in umta hen.

10. L.Zoujang: 5/8/2022 ni'n hattuum misiengthoute toh nuam tah in hun ka zang uhi.

1. Bieh Inn ah Pasion min a kipawl khawmna in hun mang thei uhi. 2. Inn vena zong kinei thei hi.

Tualeh, Pasion min a kalsuante a hing kipahpi ua, ne-le-tah zong a tui thei pen a hing na nesah ua, a hing dawnsah uhi. L. Zoujang a um misiengthoute zieh in Pasion min phat in umta hen.

11. Sehken: 7/8/2022 ni'n Sehken MELC hattuum misiengthoute vena nei ding in ka kuon uhi. Pasion mapuina toh damtah n ka tung ua, Hattuum miten jong Pasion min toh ang lamdawn uh. Nitah in Bieh Inn ah Pasion min a kipawl khawmna in hun mang thei ua, lasah leh tugen zong a nuam mama hi. Khosung ah hattuumte Inn vena zong kinei thei uhi. Tualeh, Pasion min a kalsuante a hing kipahpi ua, ne-le-tah zong a tui thei pen a hing na nesah ua, a hing dawnsah uhi. Hun nuamtah hattuumte toh kazang khawm ua, tua ziu in Immanuel Khopi a ding in kanusia ta uhi. Sehken a um misiengthoute zieh in Pasion min phat in umta hen!

12. Emmanuel Khopi: 8/8/2022 ni'n hattuum misiengthoute toh nuam tah in ka jang khawm uhi.

Gospel Tangkou July - August 2022

Nitah in Bieh Inn ah Pasion min a thu leh laa a kipawl khawmna in hun nuamtah in ka mang thei in. Inn vena zong kava kinei thei uhi.

Tualeh, Pasion min a kalsuante a hing kipahpi ua, ne-le-tah zong a tui thei pen a hing na nesah ua, a hing dawnsah uhi.

Emmanuel khopi a um misieng-thoute zieh in Pasion min phat in umta hen.

Kipah ing

Pastor Khamkhenthang,

Group IV Leader



ELC, BANGALURU

Ahing tung ding Dt. 23/10/2022 chiengin Bangalore ah MELC Hattuom kiphuhna 4th Anniversary manna leh lopna thupitah in nei ding uhi. Tam hun ah MELC Bishop leh MELC sunga Department LYF leh ELWA tezong tam vaiguon a dingin chiel uhi. Lawchingtah a man ahi theina ding in i thumna uah thei chiet vai.

Gospel Tangkou July - August 2022

RELIEF MATERIAL HAWMNA

Impulse NGO, Shillong te leh New Life Foundation Thamnapokpi te toh MELC pangkhawm in MELC huongsung ah relief materials hawmna a 6 veina tan akizou ta hi. Tambang a MELC mi leh sa leh mun tuomtuom a chimaw gentheite leh a hing panpi a, a hoina uh hing sulang Impulse NGO leh New Life Foundation te tung ah hattuum sih leh tangin kipah thu igen uhi.



Thu tuomtuom

Farewell program

Apeisa 5th August, 2022 (Ziltawpni) Nai 2:30 p.m in Martin Luther Hall MELC Office ah Mr. P.K Thangliankap, Accountant MELC leh Mr. Robert Khuplunmang Manlun, Community Mobilizer(SLEP) te Paisian gam nasepna i Office a hun bangtan ahiei asep nua un, Paisian panpina toh maban nasep leh hoijaw ding lunggulna in Fare-Wel cum Vangthumsahna ana kinei in. Itna silpieh leh Fare-Wel Ankuong impina ana kinei pi hi. A mailam kalsuonna uah Paisian in umpi zingta hen.



UPA TEELTHATE KISINSAHNA – 2022

Ahing tung ding Dt. 23/08/2022 – 26/08/2022 sung teng MELC Upa telthate Training kinei ding ahi. Programm hawmna Rt. Rev. Dr. S.K Manlun, Bishop MELC in nei ding hi. Tualeh Dt. 26/8/2022 ni chiengin Closing Ceremony umding a, tam hun ah Rev. Nengkhanlal Milun, Director of Ministries in ma apui dinga, Hanthawn thugenna Bishop in nei ding a, tualeh Kipahman silpieh piehna toh thuoh ding hi. Tami hun a Resource person ding te ahileh tam aney ate ahi uhi-

Rev. Nengkhanlal Milun – Leaders & Goal setting in the Local Church

Rev. Kamminthang Taitom – Hattuum Upate leh Politics (Elders & Politics)

Rev. Thangliankham – Christian/Evangelical Doctrine

Upa Nengkhenthang - Zou tawndan leh ngaina (Zou Custom & Culture)

Rev. Dr. Fv. Hangminthang - Duties & Responsibilities & Elders in the Local Church

GINNA KI ENCHIEN VAI

~ Nu Neiching

I Gospel Tangkou tungton ua Pasion thu kikum khawm dinga deisahna hing pieh vaihawm tute tung ah ka lungdamna kang phuang hi.

Tunia i genkhawm ding ua Thupi kang tel ahileh....

Q. Pasion I gintat pouleh ginna nei ihi mai diei? Jacob 2:19:20

v-19. Pasion khat a om hi chi na gingta hi. Hoi e. Dawite na ngawn in a gingta ua, a chitun uhi.

v-20, Hinanleh “aw nang mimaw!” Nasep panglou ginna khu a shi ahi chi na thei nuam ei?

Q. Ginna nasep bang ahi ta diei chi a kidawng ding hita lei, bang bang I gen diei? =

Jesu Pasion Tapa gintat ding, Piengtha ding, Baptistma tan ding, Bible sim ding, Biehinn kai ding, thumna nei jing ding, thawlom (sawm a khat) pieh ding, Pasion min a kipawlkhom nate ngaisah jing ding, chite leh adang tampi i gen ding un gintat a huai hi.

Tam a tunga point tuamtuam te i bawl jing pouleh ginna nei mi leh Pasion adia sem hoi mama in ina kikawi jel uhi. (kei jong kahi. Hinanleh tuate tan a top lou ahi jiehin, tunin Ginna suichien vai chi ihi.

Sawltah Paul in, Korinth mite kung ah... 1Cor 16:13.

Kiveng unlen, ginna ah dinkip un, hangsan tahin um unlen, hattah in um un chin a gen a.....

Q. Ginna a bang chi dinkip ding ahi ta diei leh?

Tualeh, 2 Cor 13:5. Ginna ah na umna uoi mah nouma leh nouma ki enchien unlen, kithei chien un. Nouma ah Jesu Khrist aum chi theilou na hi uoi mah? Tuachilouin na chinglakha ding uhi. chin agen kia a....

Q. Ginna nei kichi ngal a chinglou a om khah thei ding ahi diei?

Q. Bang jieha Paul in, “Na chingla kha ding uhi” a chi ahi diei?

Aziehpen, (Jacob 2:22), Ginna in anasepte toh asem khawm a, tualeh nasep in ginna a bukim sah hi. chi ahi.

Q. Ginna nasep bangbang ahi ta diei?

= Jacob Laihah apat in ginna tungtang tambangin hing kihil uhi.

1) Ginna khu Thumanna ahi:. (Jacob 1:19-27)

Gospel Tangkou July - August 2022

- Thu ngaikhe maimai hilouin, thuzuite hi jaw un.(V-22)
 - Nu bei Pa bei te alungkham laitah ua ve ding. (V-27)
 - Leitunga nieh banglou a kikep ding(V-27)
- 2) Ginna in khentuam anei sih hi: (Jacob 2:1-13)**
- Mi khentuam nanei uhleh khelna bawl nahi uhi. (V-9)
 - Mi zawng leh mi hau khentuam lou ding khu Ginna nasep ahi. (V-5&6)
- 3) Ginna khu nasep ahi. (Jacob 2:14-26)**
- Ginna jieuh guoh hilou in, nasep jiehin mi siemtansah in a om hi. (V-24)
 - Kizuanu Rahab khu anasep jieha siamtang ahi. (V-25)
- 4) Ginna in lei a veng hi (Jacob 3:1-12)**
- Mi koipou thugenlam a akipalpua sihleh mi piching ahi. (V- 2)
 - Kam sung apat phatna leh hamsietna pawtkhawmsah lou ding. (V-9)
- 5) Ginna in pilna apiengsah hi: (Jacob 3:13-18)**
- Thunuailu leh piltaha I nasepte khu omdan hoi a ensah ding. (V-13)
 - Thudih zuausan lou ding. (V-14)
- 6) Ginna in kingaangiemna ga a suang hi. (Jacob 4:1-12)**
- Pasian in mi kiliansahte a dou a.(V-6)
 - Mi kingaangiemte kung ah hepina a pie hi. (V-6)
- 7) Ginna in Pasian tung ah kinepna asiem hi. (Jacob 4:13-17)**
- Mangpan pha asah leh idam dinga, chia gen ding. (V-15)
 - Ki uansah na toh ham lou ding. Ki uansahna khu khelna ahi. (V-16).
- 8) Ginna in a thuoh zou hi: (Jacob 5:7-12)**
- Thuohhat tahin om un. (V-8)
 - A thuoh mite hampaha in i sep uhi. (V-11)
- 9) Ginna a midangte thu nget pieh ding: (Jacob 5:13-20)**
- Khat leh khat thu kinget pieh ding. (V-16)

Tatkhel nate thupha ki tawi tuo ding. (V-16)

Awle, Ginna nei ina kisah jing lai a, Ginna nasepte semkha lou ihi khah ding khu sil jauhaitah ahi.

(2 Cor 13:5) Ginna ah na om na uai mah? nouma leh nouma ki enchien unlen, kithei chien un.

Mangpan ginna ki-etchien theina lungtang hing guan chiet ta uhen aw.

Manipur Evangelical Lutheran Church
SEPGUOL VAIGUON - 2022



Ahun sung:

September 1st to 26th, 2022

Thupi:

“Galkhat lam ah igalkai ding uhi.” (Mak 4:35c)

Tam i Sepguol vaiguon uh Pasion in local chin a ding in guolzawlina hing suosah taken.

Sd/-

Rev. Nengkhanlal Milun

Director of Ministries

Sd/-

Rt.Rev. Dr. SK Manlun

Bishop

Manipur Evangelical Lutheran Church

Thumapui : Galkhat lam kichi khu i umna mun ua kipat mun tuom khat a kisuonna genna ahi. Tahsa leh lungsim a um i pianpi gitlouna leh deigawnate nuasie a lungsim tha toh galkaina ahi. Khovel ngainatna apat Hagau lam a ding gelna a galkaina ahi.

01-09-2022 : Local chin Sepguol vaiguon honna leh kiman
Ningani dan ding genkhawmna.

02/09/2022 : Galkhat lam galkai theina dia pan lah dan
Septawpni ding. 2 Kor. 5:13-15

3&4/09/2022 : Biahinn a zat ding.
Kiginni & Pasianni

KAAL KHATNA (5-9/09/2022)
Gaal khat lam i gaalkai thei na ding un.

- 05/09/2022** : Hinkhuo tha, Sienthou na hinkhuo nei ding ahi.
Seppatni (Eph.4:20-24)
- 06/09/2022** : Tahsa deina taisan a Pasion deidan a hin ding
Sepkiani ahi. (Rom 12:1-2; Eph. 2:2)
- 07/09/2022** : Ngaidam theina hinkhuo nei ding ahi.
Nilaini (Matt.6:12,14-15; Gen.33:4)
- 08/09/2022** : Ki ittuona hinkhuo nei ding ahi.
Ningani (Rom 13:8-10)
- 09/09/2022** : Ginna a khat leh khat ki khotuo ding ahi.
Septawpni (Rom 14:1; 15:1)
- 10&11/09/2022** : Biahinn a Kum Thupi genna.
Kiginni & Pasianni

KAAL NINA (12-18/09/2022)
Gaal kai ding a poimawna

- 12/09/2022** : Gasuonna ahi (John 15:16)
Seppatni
- 13/09/2022** : Ngansia a i umna uh suh tangtun ding ahi.
Sepkiani (Mat. 28:16-20)
- 14/09/2022** : Midangte Pasion thu toh va hasotna ahi.
Nilaini (2 Tim.4:1-5)
- 15/09/2022** : MELC Day- Eima local chiet a vaiguon
Ningani kibawl ding.
- 16/09/2022** : Suotatna thu va phuon ding in. (Luk 8:33)
Septawpni
- 17&18/09/2022** : Biahinn a zat ding.
Kiginni & Pasianni

KAAL THUMNA (19-23/09/2022)

Gaalkai ding a poimaw nate

- 19/09/2022** : Genthei chimawte va panpi ding.
Seppatni (Mat.25:34-40)
- 20/09/2022** : Missionary nasemte va panpi ding
Sepkiani (Phi.4:14-16)
- 21/09/2022** : Missionary Sawlkhe ding in.
Nilaini (Nasepte 13:1-2)
- 22/09/2022** : Pasion silbawltheina suhlat ding ahi.
Ningani (Mark 5:1-43)
- 23/09/2022** : Sepguol kituokhawmna dia kisah kholna
Septawpni
- 24&25/09/2022** : Sepguol Kituokhawmna
Kiginni & Pasianni

Note:

1. Tukum local chin in Sepguol zat chiet ding ahi.
2. Sepguol khu ahithe i lai leh inn vena a zat ding, hinanleh, a lemtang zaw ding ahileh local te vaihawm dandan a peipi thei ahi ding hi.
3. Niteng in Sepguol tawikhawm lahkawm ding ahia, tualeh Sepguol hun sung in Nikhat thaman tawikhawm chiet ding a nget ihi uhi.
4. Dated 24&25/09/2022 (Kiginni & Pasianni) khu Sepguol Kituokhawmna pen Division chin in ama uh lemsah dan in Vaiguon akibawl chiet ding uhi.
5. Sepguol tholawmte 10% Local in a tang ding ua, 20% Division leh 70% pen Bulpi a piehlut ding ahi.

Mangpan Sepguol - 2022 mang thei chiet ding in hing mapui zing taken.

~~~oio~~~

**MELC MISSION FIELD VARANASI, UP**  
**Missionary Suria Prakash in MELC Office ahing vena a, a Birthday**  
**Office teleh Mission Dept. OB ten akizahpi na**



(RNI Regd. No:62170/95 MNP 76)  
BOOK POST

To

.....  
.....  
.....

**If undelivered, please return to**  
The Editor, Gospel Tangkou  
MELC Office, Hqtr. Zomi Colony  
Post Box – 10, Churachandpur - 795 128  
Manipur, India,  
e-mail : [melchqtrs@gmail.com](mailto:melchqtrs@gmail.com)

*Layout & Typesetting @  
MELC Office  
Printed @  
Thawmsons Color Press,  
H. Lamka*

Gospel Tangkou (Gospel Herald)  
RNI Regd. No : 62170/95 MNP 76  
(Hachin a kisuo, hattuom khanletna ding)